

Die I.

LUTHARDIS B. MEINWERCI X. *Padi-*
bornensis Episcopi THEISTERBANDIÆ Comitum
Matertera, illustrem ELTINENSEM
Abbatiam ad Rhenum constituit, sub OTTONE
I. Imperatore, ut ex eius litteris anno 968. datis
liquet; cuius etiam primam Abbatissam egit, recla-
mantelicet ATHELA BALDERICI Comitum CLIVIÆ &
THEISTERBANDIÆ Vxore, quæ lege Saxonica feminae
successionis Jus & bona hereditaria non derogari
sustinebat: ab OTTONE tamen III. postea, ut con-
sentiret, inducta. Immo cum marito BALDERICO
aliud quoque virorum Collegium A. C. 1000. cir-
citer, Ziphilichij condidit. Luthardis verò pa-
ce cum Athelâ Antagonistâ constitutâ eam
deinceps ita beneficam habuit ut Filio Mein-
weri non invito Ecclesiæ S. Viti Eltinesi de-
cem mansos assignarit & confundatricem a-
gere voluerit. Quo Numinis inexpectato favo-
re ut in jucundissimo suo ALCINOI Monte (quo
Clivia, Batavia Rheni, Wahalis, aliorumq; flu-
viõrum confluentia, mirâ pagis Urbib; gratâ varie-
tate conspicitur) dignas Deo Sodalibusq; ædes erige-
re constituit idq; tantâ felicitate, Cælo aspirante,
executa

executa est, ut paucis annis Abbatiam Ecclesiâque maximis impendijs DEO Divisque erexerit. Templo numeris suis absoluto ritûq; Ecclesiæ sacrato, mox totâ mente Deum sibi ante oculos statuens omnes actiones suas illius potissimum ad laudem & gloriam mirificè composuit Relictis purpuratis, pauperum ferè confortio gavisâ, eos copiosè & frequenter pascens, & subditas sibi Virgines doctrinâ exemplôque trahens DEO tandem ac meritis plenâ plurimis gravissimisque perfuncta laboribus, in senectute bonâ in templo à se in Monte ædificato quiescit, donec in decretoriâ illâ die transmigret in *montem sanctum DEI. Annal. Patrie.*

V.

HERFORDIA RAVENSPURGII Caput, sed Aetholica, tenui Religione veneratur S. OSWALDVM Regem, cuius sacros Artus in eam Saxonie plagam magnis honoribus, festâ Civitatis & omnium Ordinum gratulatione ac veneratione transtulit GVALTERVS Comes & Fundator Herfordiensis, qui ultimus eius Orbis Comes CAROLO MAGNO SAXONVM Domitore, & WITKINDO Christum amplexo consentientibus, fer-

vore novi Christianismi motus, *Collegium Generosarum & nobilium Virginum* constituit: cui prope Urbem ad moenia *aliud Divo GERVASIO sacrum* erexit, cuius exemplo anno 820. *CORBEIENSE & SCHILDESINVM* prope *Bilefeldiam* à nobilibus quoque Vestalibus inhabitatum: & ipsâ in Vrbe insignis Collegiata, ac in *NEAPOLI* eius R.R. Patrum Recollectorum claustrum solum ex integro Catholicum fideique propugnaculum erectum est, quorum sanctis laboribus, religionique labanti ut porrò benignissimâ intercessione S. *OSWALDI* aspiret Dominus, vnicè implorandus. *Consule Ann. Pat.*

VI.

IN *MONTIVM Ducatu* ad *BENSBERGAM Arcem* in pago *Slebus B. GEZZELINI Anachoreta*, cuius ibidem *Memoria & Fons* eius precibus è terra datus, qui in sacello à perillustri *Domino Henrico Barone de Reuschenberg Teutonici Ordinis Commend. &c.* erecto, frequenti peregrinorum confluxu invisitur plurimis medicus & salutaris. *Fast. Gelen. Mart. Canisij.*

VII.

IN *Sacrario Aula Neoburgensis Festum S. DIGNÆ* famulæ

famulæ S. AFRÆ à Gaio Rhætix præfide flammis
 addictæ quæ Palum mortualem osculo venerata,
 illique alligata lento igne subiecto inter Iesû &
 Mariæ nomina cõflagavit Christianæ fidei jllustrissima
 Victima, cuius insignes & Crystallo inclusæ Reliquiæ
 istic proponuntur. *Fx Bau. Sancta, & Sacrarij
 Indice.*

X.

IN peruetusta GLADBACENSI Abbatia à GE-
 IRONE LUDOVICI Saxonis Filio Archiepiscopo
 Coloniensi circa A. C. DCCCCLXXI. instituta
 S. LAURENTII CAPITIS ostensio, quod ibidem
 nuper ad eò Rex Hispanie Philippus IV. magnis
 precibus ac donis à Præsule impetrare frustra
 molitus est. *Tesch. in Annal.*

XIII.

HAC die ad meliores abiit PHILIPPVS de
 Heinsberg Archipræsul Coloniensis, Apostolico
 Spiritu plenus supra humanas Spes aut metum
 Aulæ suæ dicere solitus: *Velle arumnis carere idem
 esse, ac velle CHRISTO tergum vertere, & illum solum
 sub CRUCE perfidè relinquere.* Idem hereditarijs
 opibus fundavit Collegium cognominemq, Heins-
 bergensem Ecclesiam, ac pluribus istic munificen-

tix

tiæ vestigijs relictis, migravit in *cælum*, vbi *Deus ipse merces ipsius erit, magna nimis. Ex Annal. Patrie.*

XV.

NEOBURGI *Aulico in Sacratio. Elevatio CA-*
 PITIS *B. STANISLAI Kostke, à serenissima Glo-*
Mem: ANNA CATHARINA CONSTANTIA Re-
gia Polonia Principe reliqua inter Cimelia allati:
quod Serenissimus eius Coniux PHILIPPVS WILHEL-
MVS C.P.R. Bavariæ, Julia Dux &c. præcipuâ venera-
tione colit; hereditario erga nobilissimam Poloniæ
gentem, ipsûmque B. KOSTHAM affectu ex san-
guine B. RICHEZÆ Palatinæ Polonorum quondam
Reginæ sibi innato, ut in Genealogica 21. Martij
huic opusculo insertâ B. RICHEZÆ Arbore, qui
velit, leget. Beatus hic se totum Numinis cul-
tui in Societate IESV dicavit, exactissimum
omnium virtutum speculum, qui verus Obitus
sui vates ipso Assumptæ olim in cælum Reginæ
die Anniversario, ab eadem invitatus & assum-
ptus est, ut quam unice coluerat in terris, æternim
complecteretur in calis. Ex vitâ eiusdem.

XX.

IN Clivia nobilium Virginum Sleedenhor-
 stano

stano Asceterio Festum & Veneratio Reliquiarum mellifluidi Doctoris S. Bernardi Cisterciensium Fundatoris magnæq; cæli Reginæ eximij cultoris, ævi sui alter Moyse & Thaumaturgus, ob frequëntia miracula habitus. Demum anno ætatis LXIII. meritis toto orbe illustris, hanc mortalem vitam cum immortalis commutavit. *Ex vita eiusdem.*

XXIV.

Sub idem tempus Gladbaci sancti Sandera-
di primi eius inclitæ familiæ præsidis, qui
charitate in Deum feruens, integras sæpe no-
ctes, fundendis præcibus corporeque castigando
insumpsit, *totus virtus, totus patientia, &
submissio. Ex Chron. eiusdem loci.*

XXIV.

IN Veteri Monte Reductio brachij S. Bartho-
lomei, Indiæ citerioris Apostoli, qui cum
Provincias aliquot fanis Idolorum everfis, &
duodecim Civitates unâ cum Rege Polymio
Coniugéque ad Christum perduxisset, impio-
ristius gentis sacrificulorum Zelo incensus Astya-
ges Polymij Regis Germanus, Apostolo vivo
pellem crudeliter detrahi, caputque abscindi
curavit, Corpus eius ex Albania Vrbe, in qua
S passus.

passus fuerat Liparam, inde Beneventum, & Romam, Brachium verò *veterem in Montem*, translatum est, inde à bello Cæsarem Carolam Quintum & Wilhelmum Ducem Iuliæ inter exules, *Ser: PHILIPPI WILHELMI*, Comitis Palatini Rheni, Iuliæque &c. Ducis clementissimâ voluntate collaborante enixè R. P. Godefrido Otterftet, ad Rhenum inferiorem bis Soc. IESV Præposito Provinciali, hoc tandem anno, ex æquo divisum Reverendissimo, prænobili atque eximio Domino Præfuli Ioanni à Blanckenberg restitutum est: *ita & postliminiò Sancti Veteres possessiones, sedèsque suas, Veteri in Monte repetunt.* *Ex Indice Sacra.*

XXV.

SAncti Gregorij ex nobili Palatinorum Comitum stirpe Episcopi Ultraiectini, qui quidquid habebat, volens in pauperum usus concessit, & eodem testamento ex asse heredes constituit. Quia bonorum laborū gloriosus est fructus, reddet mercedem plenam Deus, cuius honorē pia illa liberalitas potissimum spectavit. *Ex Ann.*

XXV.

Eodem die in Veteri Monte venerabilis Bernonis, primi eiusdem loci & genij suavissimi

fimi Abbatis persuasum habentis obiurgationi semper aliquid blandi admiscendum quòd faciliùs penetrent verba, quæ nulli, quàm quæ asperâ vadunt viâ. Quâ mansuetâ pietate Procreatori suo innocentissimam, & rectè factorum ditissimam animam reddidit, de quo iste vulgaris extat versus:

Est Abbas Berno Primus de Monte Veterno.

XXIX.

IN Elseniana prope Grevenbrochiû, Sinstrofiana, in præfectura Altenhaviana & Nidecciana illustriû Teutonicorû Minorum Comendatorijs, festum Decollationis S. Ioannis Baptistæ, quem Ordo iste, unâ cum Lipsanorum hodiernâ productione principe studio colit, Patronumque habet. Eâdem luce, quâ gloriosum Agonem abscisso capite S. Ioannes consummavit in Anrhaedt Toparchia Illustrissimæ ac Generosi Domini Adriani Wilhelmi liberi Baronis de Virmundt & Nerssen, Domini in Hersbach &c. præcipuâ in veneratione est eiusdem Sancti sacer Vertex argentæ Lipsanothecæ inclusus, cuius religioso attactu sacratum vinum à fidelibus viuâ fide sumptum, non rarò capitis puncturas, dolores, omnium medicæ etiam artis industriam superantes, ex integro tollit. Quales

verò Reliquias, Templum & Monasterium ab eodem illustrissimo D. Barone R. R. Patribus Conventualibus in Nerfen fundatum, vicinúmque sacellū, *New Jerusalem* cognomento, possident etiamnum me latet; hoc certis auctoribus didici A. R. Exmiúmque Dominum Gerhardum à Venhoven, quinquennalem Syriæ Urbisque Hierosolymæ incolam, sancti sepulchri equitē, varijs Palæstinæ Reliquijs, Novum istud sacellum ad Ideam sacri sepulchri à se erectum dotasse; insigni provincialium pietatis gustu & accursu. *Ex eius Sacelli Diario.*

S E P T E M B E R.

IV.

COlonia Agrippina & Collegiata B. Virginis Mariæ Reffensis, Ecclesia quotannis colit festivè Irmgardim, seu vt alij Irmtrudim, quarum duas fuisse, varij sentiunt Auctores. Harum priorem A. C. 1010. Ecclesiæ Reffensis Collegiatæ fundamenta iecisse Annonē Comitē Dasseliiū præpositum Goslariensem, & Episcopum Coloniensem eandē A. C. M. XI. absolutam dedicasse, eiusque privilegia diplomate suo docent confirmasse. Alteram volunt in Necrologio S. Pantaleonis, Irmtrudem vocari, & Hermannii